

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINA ZAVIDOVIĆI

SLUŽBENI GLASNIK

OPĆINE ZAVIDOVIĆI

12/2001

01.11.2001.godine

SLUŽBENI GLASNIK IZDAJE:

Služba Općinskog vijeća, Općinskog
načelnika i službi za upravu

ODGOVORNI UREDNIK:

Hajrudin Katardžić, dipl.pravnik

I – AKTI OPĆINSKOG NAČELNIKA

Na osnovu člana 60. stav 2. Zakona o upravi u Federaciji Bosne i Hercegovine ("Službene novine Federacije BiH", broj 28/97), člana 65. Statuta općine Zavidovići ("Službeni glasnik općine Zavidovići", broj 2/99 i 3/2001), a u vezi sa članom 43. stav 1. i 2. Kolektivnog ugovora za službenike organa uprave i sudske vlasti u Federaciji Bosne i Hercegovine («Službene novine Federacije BiH», broj 23/2000 i 50/2000), Općinski načelnik Zavidovići, dana 30.10.2001. godine donio je

P R A V I L N I K**o plaćama i naknadama plaće službenika u službama za upravu i drugim općinskim organima Općine Zavidovići****I - OPĆE ODREDBE****Član 1.**

Pravilnikom o plaćama i naknadama plaća službenika u službama za upravu i drugim općinskim organima općine Zavidovići (u daljem tekstu: Pravilnik) regulišu se prava službenika na plaću, dodaci na plaću i naknada po osnovu rada i druga lična primanja iz radnog odnosa koja nemaju karakter plaće u službama za upravu, Općinskom pravobranilaštvu, Općinskom sudiji za prekršaje i Općinskom štabu civilne zaštite.

Član 2.

Plaća službenika u smislu ovog pravilnika su novčana primanja koja službenik ostvari po osnovu radnog odnosa u zavisnosti od vrste i stručnosti poslova izraženo po stepenima stručne sprema i drugog službenog zvanja utvrđenog Zakonom.

Vrijednost poslova i zadataka službenika utvrđuje se množenjem osnovice za obračun plaća koeficijentima koji su utvrđeni pojedinačno, a isti su u rasponu koji je definisan pravilnikom i koji predstavljaju platne razrede.

Pojedinačne koeficijente za svako radno mjesto i za svakog službenika u okviru platnog razreda utvrdit će rješenjem općinski načelnik

Osnovicu iz stava 2. ovog pravilnika utvrđuje Vlada FBiH ili drugi ovlašteni organ.

Platni razredi iz stava 2. utvrđeni su u tabelarnom pregledu i sastavni su dio ovog pravilnika.

Član 3.

Sredstva za plaće službenika jedinstvenog općinskog organa uprave i ostalih službi i organa, obezbjeđuju se u Budžetu općine Zavidovići.

- 206 -

Član 4.

Koeficijent radnog mjesta službenika, koji u toku službe steknu posebna službena zvanja uvećavaju se za svaki stepen službenog zvanja u iznosu od 5 % u skladu sa Zakonom .

Član 5.

Plaće službenika koje se utvrđene u skladu sa odredbama člana 2. ovog pravilnika predstavljaju platne razrede.

Osnovnu plaću službenika čini vrijednost koeficijenta platnog razreda u koji je razvrstano službeno zvanje u koje je službenik postavljen, odnosno položaj na koji je imenovan, umnožen sa osnovicom za plaću.

Član 6.

Plaća službenika obračunata u skladu sa članom 2. ovog pravilnika uvećat će se za 0,50 % za svaku započetu godinu penzijskog staža, s tim da povećanje ne može biti veće od 20 %.

Član 7.

Zavisno od rezultata rada za svaki mjesec na prijedlog pomoćnika načelnika, odnosno rukovodioca organa i službe, općinski načelnik može službeniku uvećati ili smanjiti njegovu plaću do 10 %.

Stimulacija iz prethodnog stava ne pripada službeniku koji je bio na bolovanju ili godišnjem odmoru.

Na obračunatu plaću službenika čija je visina utvrđena primjenom članova 2., 4., 5., 6. i 7. ovog pravilnika dodaje se ili oduzima stimulacija iz stava 1. ovog člana.

Član 8.

Za nadprosječne rezultate rada odnosno naročite uspjehe u radu službeniku se može isplatiti nagrada u iznosu do 30 % njegove plaće.

Nagrada se može isplaćivati šestomjesečno ili godišnje.

Općinsko vijeće će posebnom odlukom propisati uslove i način dodjele nagrada službenicima iz prethodnog stava.

Član 9.

Službenik koji je postigao najviši stepen službenog zvanja, ima pravo na uvećanje njegove osnovne plaće za 5 % nakon svake tri godine provedene u najvišem službenom zvanju, pod uslovom da u tom periodu je bio ocijenjen ocjenom "naročito uspješan" (periodična povišica), a najviše 20 %.

Član 10.

Službeniku pripada plaća uvećana:

- za 35 % ako je radio noću od 22 sata tekućeg do 06 sati narednog dana,

- za 50 % ako je radio na dane državnih praznika, u koje se prema Zakonu ne radi, neradne dane (subota i nedjelja),
- za 50% za prekovremeni rad.

Osnov za povećanje plaće iz prethodnog stava je ostvarena plaća službenika u tekućem mjesecu.

Član 11.

Službenik koji je zasnovao radni odnos na određeno vrijeme sa punim radnim vremenom, odnosno radnim vremenom kraćim od punog radnog vremena učestvuje u raspodjeli sredstava za plaće, kao i službenik koji je zasnovao radni odnos na neodređeno vrijeme, odnosno koji radi puno radno vrijeme, srazmjerno ostvarenim rezultatima rada i vremenu provedenom na radu.

Član 12.

Službenik koji, po nalogu Općinskog načelnika, zamjenjuje drugog službenika, u periodu dužem od 30 dana, pripada plaća utvrđena za obavljanje tog radnog mjesta, srazmjerno vremenu provedenom na radu, ako je to za službenika povoljnije.

Član 13.

Službenik koji je zatečen na radnom mjestu na koje je raspoređen na službeničko mjesto za koje je utvrđen neposredno viši stepen školske spreme od onog kojeg posjeduje, ima pravo da ostane da radi na tom službeničkom mjestu, do popune tog radnog mjesta.

Odredbe prethodnog stava ne primjenjuju se u slučaju premještanja službenika na drugo službeničko mjesto.

Službeniku iz stava 1. ovog člana pripada plaća tog radnog mjesta.

Član 14.

Plaća službeniku isplaćuje se unatrag jednom mjesečno, ako propisom općinskog vijeća nije drugačije određeno.

Ocjenu rezultata rada službenika utvrđuje u skladu sa zakonom općinski načelnik na prijedlog pomoćnika općinskog načelnika i drugog rukovodećeg radnika koji prati rad službenika na poslovima i zadacima na koje je raspoređen prema Pravilniku o unutrašnjoj organizaciji.

Član 15.

Službenik kojem u toku godine prestane radni odnos, učestvuje u raspodjeli sredstava za plaće po periodičnom obračunu i završnom računu srazmjerno vremenu provedenom na radu i ostvarenim rezultatima rada.

- 208 -

Član 16.

Sredstva za plaće svakom pojedinom službeniku utvrđuju se i raspoređuju na osnovu rješenja o raspoređivanju službenika na odgovarajuće poslove i zadatke i rješenja o ocjeni iz rezultata rada posebnog službenog zvanja službenika.

Član 17.

Za vrijeme trajanja pripravničkog staža, pripravniku pripada osnovna plaća najnižeg platnog razreda odgovarajućeg stepena školske spreme za koju se pripravnik osposobljava, umanjena za 10 %.

II - NAKNADA PLAĆE SLUŽBENIKA

Član 18.

Službeniku pripada novčana naknada plaće za vrijeme privremene spriječenosti za rad:

- a) zbog bolovanja do 42. dana u visini od 90 % plaće tog službenika ostvarene u posljednjem mjesecu u kojem je službenik radio puno radno vrijeme,
- b) zbog bolovanja pruzrokovanog povredom na radu ili oboljenjem od profesionalne bolesti i drugim slučajevima utvrđenim zakonom, u visini od 100 % plaće tog službenika ostvarene u prethodnom mjesecu.

Član 19.

Za vrijeme korištenja godišnjeg odmora, odnosno plaćenog odsustva, službeniku pripada naknada njegove plaće u visini pripadajuće plaće u mjesecu u kojem je službenik koristio godišnji odmor, odnosno plaćeno odsustvo.

Član 20.

Službenik koji je premješten u skladu sa zakonom na drugo radno mjesto učestvuje u raspodjeli sredstava za plaće prema radu i rezultatima rada ostvarenim na tim poslovima, odnosno radnim zadacima.

Član 21.

Za vrijeme udaljenja iz službe, službeniku se isplaćuje naknada plaće koja iznosi 70%, a ako izdržava porodicu 85% osnovne mjesečne plaće koju je imao u vrijeme donošenja rješenja o udaljenju iz službe.

Puna plaća pripada službeniku od dana vraćanja u službu, odnosno ako drugostepena komisija uvaži njegovu žalbu protiv rješenja o udaljenju iz službe, od prvog dana udaljenja iz službe.

Službeniku se isplaćuje obustavljeni dio plaće i u slijedećim slučajevima:

- 209 -

- ako je pravosnažnim rješenjem izrečena disciplinska mjera samo za laku povredu službene dužnosti.

- ako je pravosnažnom odlukom obustavljen krivični postupak, odnosno disciplinski postupak zbog teške povrede službene dužnosti,

- ako je pravosnažnom presudom u krivičnom, odnosno pravosnažnim rješenjem u disciplinskom postupku zbog povrede službene dužnosti oslobođen od odgovornosti ili je optužba odbijena ili odbačena, ali ne iz razloga nenadležnosti.

Za vrijeme izdržavanja kazne zatvora do šest mjeseci službeniku ne pripada pravo na plaću niti naknada plaće.

U slučaju kada je službeniku određen pritvor naknada se isplaćuje na teret organa koji je odredio pritvor.

III - NAKNADA TROŠKOVA

1. Naknada troškova prilikom službenog putovanja:

Član 22.

Za službeno putovanje radniku pripada naknada troškova u vidu dnevnice i naknada troškova prevoza.

Član 23.

Pod službenim putovanjem podrazumijeva se putovanje u Bosni i Hercegovini i inostranstvu, ako je to putovanje izvršeno na osnovu naloga za službeno putovanje radi vršenja određenih službenih poslova.

Član 24.

Službeno putovanje se odobrava izdavanjem propisanog naloga za službeno putovanje.

Nalog za službeno putovanje izdaje općinski načelnik za putovanje u Bosni i Hercegovini.

Nalog za službeno putovanje u Bosni i Hercegovini općinskog načelnika izdaje lice koje zamjenjuje općinskog načelnika.

Nalog za službeno putovanje u inostranstvo općinskog načelnika izdaje predsjedavajući općinskog vijeća, a za ostale službenike nalog za službeno putovanje u inostranstvo izdaje općinski načelnik .

Član 25.

Dnevnicu za službeno putovanje pripada službeniku prema broju sati provedenih na službenom putu.

Dnevnicu se obračunava od sata polaska na službeno putovanje do sata povratka sa tog putovanja.

- 210 -

Službeniku na službenom putovanju pripada dnevnic, i to:

- cijela dnevnic za svaka 24 sata provedena na službenom putovanju, odnosno za službeno putovanje koje traje duže od 12 sati,

- pola dnevnice ako službeno putovanje traje od 8 do 12 sati.

Pripadajuća dnevnic za službeno putovanje umanjuje se za 30% ako je na službenom putovanju osigurana hrana.

Pripadajuća dnevnic za službeno putovanje se uvećava za 70% ako u mjestu službenog putovanja nema hotelskog smještaja ili ako se on ne koristi.

Član 26.

Službeniku pripada naknada za prevoz putničkim automobilom u ličnoj svojini na službenom putovanju u visini do 25% cijene litre super benzina po pređenom kilometru.

Odobrenje za upotrebu putničkog automobila u ličnoj svojini za službene potrebe daje općinski načelnik za sve službenike.

Visinu naknade u smislu stava 1. ovog člana određuje općinski načelnik.

Član 27.

Ako je službeno putovanje izvršeno vozom ili brodom, službeniku se priznaje iznos u visini cijene iz putničke tarife za prevoz sredstvom ove vrste.

Službenik ima pravo na upotrebu kola za spavanje, brodski krevet i na prevoz avionom samo kada je to u putnom nalogu odobreno.

Ako su u cijenu karte za putovanje brodom uračunati troškovi za hranu i prenočište i ako su cijenu avionske karte, zbog prekida putovanja, uračunati troškovi za hranu i smještaj, dnevnic se umanjuje za 80 %.

Član 28.

Službeniku kojem je izdat putni nalog za putovanje pripada po njegovom zahtjevu akontacija na ime procijenjenih troškova.

Član 29.

Po završenom službenom putovanju službenik je dužan da u roku od pet dana podnese obračun putnih troškova i primljene akontacije.

Član 30.

Iznos dnevnice za službeno putovanje u zemlji i inostranstvu utvrđuje se posebnim propisima.

2. Naknada troškova prilikom službenog putovanja u inostranstvo

Član 31.

Naknada za službeno putovanje u inostranstvo sastoji se iz naknade za troškove boravka u inostranstvu, naknade prevoznih troškova kao i drugih troškova koje je službenik imao u vezi sa preduzimanjem službenog putovanja u inostranstvo u skladu sa posebnim propisima.

Drugim troškovima koji nastaju prilikom službenog putovanja u inostranstvo podrazumijevaju se izdaci u vezi sa pribavljanjem putnih isprava, vakcinacije, liječničkih pregleda, službene pošte, taksa, telefon, telefax, stenodaktilografske usluge koje se obračunavaju u skladu sa posebnim propisima.

Član 32.

Pod službenim putovanjem u inostranstvo podrazumijeva se i službeno putovanje službenika van teritorije Bosne i Hercegovine u neku inostranu zemlju i obratno, iz jedne inostrane zemlje u drugu.

Član 33.

Odluka o odobrenju službenog putovanja u inostranstvo može se donijeti pod uslovom da su obezbjeđena devizna sredstva.

3. Naknada troškova prevoza službenika

Član 34.

Službeniku, kojem nije organizovan prevoz na posao i sa posla, a čije je mjesto stanovanja od mjesta rada udaljeno najmanje dva kilometra osigurava se karta za prevoz u javnom saobraćaju, visini mjesečne karte gradskog ili prigradskog saobraćaja, ili mu se obezbjeđuje novčana naknada u visini mjesečne karte gradskog ili prigradskog saobraćaja.

4. Naknada troškova za ishranu

Član 35.

Službeniku tokom rada pripada novčana naknada za ishranu (topli obrok) u iznosu od 2 % mjesečno od prosječne plaće u Federaciji Bosne i Hercegovine po posljednjem objavljenom statističkom podatku.

5. Naknada korištenja godišnjeg odmora**Član 36.**

Regres za godišnji odmor pripada službeniku u iznosu od 70 % od prosječne neto plaće službenika shodno kolektivnom ugovoru za oblast pravosuđa i organa uprave.

6. Naknada troškova stručnog obrazovanja i usavršavanja**Član 37.**

Službenik ima pravo na naknadu troškova stručnog obrazovanja i usavršavanja, ako je isto vezano za izvršavanje poslova i zadataka iz djelokruga jedinstvenog općinskog organa uprave i posebnih službi i organa.

7. Ostale naknade**Član 38.**

U slučaju smrti i teže bolesti službeniku ili članu njegove uže porodice isplaćuje se novčana pomoć u visini tri prosječne mjesečne neto plaće po uposlenom radniku u Federaciji Bosne i Hercegovine u posljednja tri mjeseca u Federaciji BiH.

Članom uže porodice u smislu prethodnog stava smatraju se: bračni drug, djeca i roditelji.

Pod teškom bolešću u smislu stava 1. ovog člana, smatra se: akutna tuberkuloza, maligna oboljenja, endemska nefropatija, stanje poslije hirurškog zahvata srca, sva degenerativna oboljenja centralnog nervnog sistema, infarkt (srčani ili moždani), oboljenje mišićnog sistema i paralize. Bolest se dokazuje na temelju dijagnoze izdate od strane ovlaštene osobe, odnosno zdravstvene ustanove.

Novčana pomoć iz stava 1. može biti i veća ako se daje za troškove liječenja, o čemu odlučuje Općinski načelnik.

Član 39.

Službenik ima pravo na otpremninu prilikom odlaska u penziju u visini njegove tri plaće isplaćene u prethodna tri mjeseca.

IV - ZAVRŠNE ODREDBE**Član 40.**

Izmjene i dopune ovog pravilnika vrše se na način i postupak za njegovo donošenje.

- 213 -

Član 41.

Ovaj pravilnik stupa na snagu prvog narednog dana od dana objavljivanja u "Službenom glasniku općine Zavidovići", a primjenjuje se od 1.11.2001.godine.

Član 42.

Stupanjem na snagu ovog pravilnika prestaju se primjenjivati svi akti kojima su se regulisali plaće i ostala primanja u jedinstvenom općinskom organu za sve službenike.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI

OPĆINSKI NAČELNIK
Selvedina Uljić, dipl.ing.maš., s.r.

Broj: 01-14-3400

Datum: 30.10.2001. godine

**TABELARNI PREGLED
RASPONA KOEFICIJENTA
(PLATNI RAZREDI)**

Red. broj	NAZIV RADNOG MJESTA	Koeficijent
1	2	3
1.	POMOĆNICI NAČELNIKA	
	- za oblast privrede	8,5
	- za oblast društvenih djelatnosti i opću upravu	8,5
	- za geodetske i imovinsko pravne poslove	8,5
	- za boračko invalidsku zaštitu, raseljena lica i izbjeglice	8,5
2.	Javni pravobranilac	8,5
3.	Predsjednik Općinskog sudijske za prekršaje	8,5
4.	Načelnik Općinskog štaba civilne zaštite	8,5
5.	Sudija Općinskog sudijske za prekršaje	7,5
6.	Šef odsjeka - VSS	5,5-6
7.	Šef odsjeka - VŠS	5,00-5,5
8.	Šef Biroa pravne pomoći	5,20
9.	Inspektori - VSS	5,5-5,7
10.	Inspektori - VŠS	5,2-5,4
11.	Stručni saradnik - VSS	5,00-5,5
12.	Mlađi samostalni referent - VŠS	4,00-4,5
13.	Mlađi referent - SSS	3,00-4,00
14.	Namještenici - SSS	2,80-3,00
15.	Daktilografi i KV radnici	2,80
16.	Namještenici – NSS i NK	2,50

Na osnovu člana 25.stav 2. Zakona o ustanovama ("Službeni list RBiH", broj 6/92 i 13/94) i člana 65. Statuta općine Zavidovići ("Službeni glasnik općine Zavidovići", broj 2/99 i 3/01), Općinski načelnik Zavidovići, dana 23.10.2001. godine donio je

R J E Š E N J E

**o imenovanju predsjednika i članova Upravnog odbora
u Javnoj ustanovi "Centar za socijalni rad" Zavidovići**

I

U Upravni odbor Javne ustanove "Centar za socijalni rad" Zavidovići, imenuju se:

1. LUČIĆ ANĐELKO, za predsjednika – iz reda osnivača,
2. SALETOVIĆ ASIM, za člana – iz reda korisnika,
3. MEHIĆ FATIMA, za člana - iz reda zaposlenih,

II

Rješenje stupa na snagu danom donošenja, i bit će objavljeno u "Službenom glasniku općine Zavidovići".

III

Danom stupanja na snagu ovog rješenja, prestaju da važe sva rješenja kojima su imenovani predsjednik i članovi Upravnog odbora Javna ustanova "Centar za socijalni rad" Zavidovići.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK
Selvedina Uljić, dipl.ing.maš., s.r.

Broj: 01/1-34-3341
Datum: 23.10.2001. godine

Na osnovu člana 25.stav 2. Zakona o ustanovama ("Službeni list RBiH", broj 6/92 i 13/94) i člana 65. Statuta općine Zavidovići ("Službeni glasnik općine Zavidovići", broj 2/99 i 3/01), Općinski načelnik Zavidovići, dana 23.10.2001. godine donio je

R J E Š E N J E

o imenovanju predsjednika i članova Upravnog odbora u Javnoj ustanovi "Centar za kulturu" Zavidovići

I

U Upravni odbor Javne ustanove "Centar za kulturu" Zavidovići, imenuju se:

1. BEĆIROVIĆ IZET, za predsjednika – iz reda osnivača,
2. MUJKIĆ ŠEMSO, za člana – iz reda osnivača,
3. MEHMEDOVIĆ SAFET, za člana - iz reda zaposlenih,

II

Rješenje stupa na snagu danom donošenja, i bit će objavljeno u "Službenom glasniku općine Zavidovići".

III

Danom stupanja na snagu ovog rješenja, prestaju da važe sva rješenja kojima su imenovani predsjednik i članovi Upravnog odbora Javna ustanova "Centar za kulturu" Zavidovići.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK
Selvedina Uljić, dipl.ing.maš., s.r.

Broj: 01/1-34-3178

Datum: 23.10.2001. godine

Na osnovu člana 25.stav 2. Zakona o ustanovama ("Službeni list R BiH", broj 6/92 i 13/94) i člana 65. Statuta općine Zavidovići ("Službeni glasnik općine Zavidovići", broj 2/99 i 3/01), Općinski načelnik Zavidovići, dana 25.7.2001. godine donio je

R J E Š E N J E

o imenovanju predsjednika i članova Upravnog odbora u Javnoj ustanovi "Javna biblioteka"

I

U Upravni odbor Javne ustanove "Javna biblioteka" Zavidovići, imenuju se:

1. VUKOVIĆ FATIMA, prof., za predsjednika – iz reda osnivača,
2. OSMIĆ FUHAD, za člana – iz reda korisnika,
3. HATIBOVIĆ MENSURA, za člana - iz reda zaposlenih,

II

Rješenje stupa na snagu danom donošenja, i bit će objavljeno u "Službenom glasniku općine Zavidovići".

III

Danom stupanja na snagu ovog rješenja, prestaju da važe sva rješenja kojima su imenovani predsjednik i članovi Upravnog odbora Javna ustanova "Javna biblioteka" Zavidovići.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKI NAČELNIK

OPĆINSKI NAČELNIK
Selvedina Uljić, dipl.ing.maš., s.r.

Broj: 01-05-365

Datum: 25.7.2001. godine

II – AKTI SEKRETARA OPĆINSKOG VIJEĆA

Na osnovu člana 102. Poslovnika Općinskog vijeća Zavidovići, sekretar Općinskog vijeća Zavidovići izvršio je sravnjivanje teksta Odluke o kriterijima za izbor, pravima i obavezama predsjednika i članova upravnih odbora koje imenuje Općinsko vijeće ili Općinski načelnik, koja je objavljeno u («Službenom glasniku općine Zavidovići», broj 6/2001), sa izvornikom navedene Odluke broj 01-05-1675 od 31.5.2001.godine, d o n o s i

IS P R A V K U**Odluke o kriterijima za izbor, pravima i obavezama predsjednika i članova upravnih odbora koje imenuje Općinsko vijeće ili Općinski načelnik****I**

U članu 2. Odluke o kriterijima za izbor, pravima i obavezama predsjednika i članova upravnih odbora koje imenuje Općinsko vijeće ili Općinski načelnik («Službeni glasnik općine Zavidovići», broj 6/2001), briše se: «i članove upravnih odbora», riječ: «najmanje», kao i: «višu stručnu spremu», tako da tekst člana 2. navedene Odluke glasi:

«Lica koja se imenuju za predsjednike moraju imati VSS, a članovi upravnih odbora najmanje SSS».

II

Ispravka čini sastavni dio Odluke i bit će objavljena u «Službenom glasniku općine Zavidovići».

OPĆINA ZAVIDOVIĆI
- OPĆINSKO VIJEĆE -

S E K R E T A R
OPĆINSKOG VIJEĆA

Broj: 01-34-3244
Datum, 10.10.2001.godine

Hajrudin Katardžić, dipl.pravnik, s.r.

S A D R Ź A J**I – AKTI OPĆINSKOG NAČELNIKA**

1. PRAVILNIK o plaćama i naknadama plaće službenika u službama za upravu i drugim općinskim organima Općine Zavidovići	205
2. RJEŠENJE o imenovanju predsjednika i članova Upravnog odbora u Javnoj ustanovi «Centar za socijalni rad» Zavidovići	215
3. RJEŠENJE o imenovanju predsjednika i članova Upravnog odbora u Javnoj ustanovi «Centar za kulturu» Zavidovići	216
4. RJEŠENJE o imenovanju predsjednika i članova Upravnog odbora u Javnoj ustanovi «Javna biblioteka» Zavidovići	217

II – AKTI SEKRETARA OPĆINSKOG VIJEĆA

1. ISPRAVKA Odluke o kriterijima za izbor, pravima i obavezama predsjednika i članova upravnih odbora koje imenuje Općinsko vijeće ili Općinski načelnik	218
--	-----